

● 中国东北边疆历史文献丛书

刘立强 刘海洋 韩 钢◎主编
孙 倩◎点校

辽东志



科学出版社

中国东北边疆历史文献丛书

辽 东 志

刘立强 刘海洋 韩 钢 主编

孙 倩 点校

科 学 出 版 社

北 京

内 容 简 介

《辽东志》始成稿于永乐年间，后又经历了四次重修成书。全书共分为九卷，每卷一志，分别为《地理志》、《建置志》、《兵食志》、《典礼志》、《官师志》、《人物志》、《艺文志》、《杂志》和《外志》。内容主要包括建置沿革、分野、疆域、城池、里至、山川、形胜、坊郭、屯堡、烽堠、土产、贡赋、户口、学校、军卫、廨宇铺舍、坛场、寺观、桥道、驿程、宦迹、人物、杂志和诗文等。《辽东志》是现存最早的东北地区总志，也是今人研究明代辽东史首选和主要的历史文献资料。

图书在版编目(CIP)数据

辽东志 / 刘立强, 刘海洋, 韩钢主编. —北京: 科学出版社, 2016.6
(中国东北边疆历史文献丛书)

ISBN 978-7-03-049327-9

I. ①辽… II. ①刘… ②刘… ③韩… III. ①辽宁省-地方志
IV. ①K293.1

中国版本图书馆 CIP 数据核字 (2016) 第 150989 号

责任编辑: 董晓舒 梁 强 / 责任校对: 何艳萍
责任印制: 徐晓晨 / 封面设计: 八度出版服务机构
编辑部电话: 010-64005207
E-mail: dongxiaoshu@mail. sciencep.com

科学出版社出版

北京东黄城根北街16号

邮政编码: 100717

<http://www.sciencep.com>

北京京华虎彩印刷有限公司 印刷

科学出版社发行 各地新华书店经销

*

2016年6月第一版 开本: 720×1000 B5

2016年6月第一次印刷 印张: 30

字数: 470 000

定价: 128.00元

(如有印装质量问题, 我社负责调换)

“中国东北边疆历史文献丛书”

编 委 会

主编：刘立强 刘海洋 韩 钢

编委：（按姓氏笔画排序）

蒋立文 吕 萍 郑春颖 姜维东 桑秋杰

李慧娟 何海波

校印《辽东志》叙

《明史·艺文志》，地理类，著录毕恭，《辽东志》九卷，李辅《重修辽东志》十二卷。按本书卷首，正统八年，辽东都指挥司佾事毕恭始修《辽东志》，并为之序。其后虽经续修，而大体未改，此即明史著录之九卷本也。嘉靖四十四年，巡按御史李辅取《辽东志》重修之厘成，六卷改题曰《全辽志》。修明史者，考之未核，犹用旧名。六卷各分上下，故谓为十二卷。非于《全辽志》之外，别有所谓十二卷本辽东志也。清修《四库全书》不收《辽东志存目》，内亦未著录然。清初，实有传本。康熙二十三年，奉天府尹董秉忠初纂《盛京通志》，其凡例有《辽东旧志》，草本舛谬尤多之语，奉天府丞提督学政张鼎彝序，云：“旧有《辽东志》，兵燹之余，无复蠹简。”兹检《盛京通志》于襄平故城下，云：“辽阳城西北隅，今定辽左右后，三卫治。”又于辽阳东岳庙下云：“旧名垂兴寺，皆不注所出。而《辽东志》皆有此文，其他类此者不下数百事。”盖董、张诸氏修志时，本以《辽东志》为蓝本，又取他书增益之复讳所出，故一则曰《旧志草本》，一则曰《无复蠹简》。一若世无此书之传本者，其用心亦良苦矣。高士奇《扈从东巡日记》，谓《辽左旧志》有古铁岭城，在银州东南五百里，地接高丽。洪武初，即彼地为卫寻徙于此，兹检《辽东志》，亦有此文所称《辽左旧志》，即《辽东志》也。当修《四库全书》时，范氏天一阁尚藏此书，独遗而不采。稻叶君山先生谓其所记间涉建州旧事馆，

臣惧触忌讳，而然其说是也。天一阁藏书多已散佚，明刊之《辽东志》未必尚存。日本大路口三玄鉴藏有此书，后归前田利为侯爵字松云之尊经阁。以余所知，并世恐无第二本，此当于明末流入者也。往余于大连图书馆得见抄本，盖自侯爵藏本。迺录侯爵又于大正元年，用铅活字覆印并倩君山先生为撰解题。而本书即据此两本详校付（付：复）印者也。按日本翻刻《辽东志》例言，云：“本书原本往往纰缪，然无异版可校。今以《二十一史》及《全辽志》反覆勘正之。”又云：“第一卷第五十七叶（页）缺，以无别本可补。”据《全辽志》补之，盖《全辽志》即《辽东志》之重修本。凡《辽东志》之所阙（阙：缺）略讹误，悉可依据《全辽志》补正之。其中异同颇多，孰是孰非必参稽诸书而后定。高君韵涛、许君逵九为撰校记，钩稽颇细。又君山先生所撰解题、考证精博。虽中土之老师宿儒，亦不能过，皆取以附书后，便考览，为辽阳金毓黻识。

《重刊辽东志》书序（一）

志，纪也，纪其事，以为鉴史之流也。天下之有志，犹国之有史，国有史而褒贬劝惩之法明天下。有志而得失鉴戒之义彰，其信今而传后一也。虽谓志为史可矣。邑有邑志，卫有卫志，郡有郡志，省有省志，合邑为郡，合郡为省，合省为天下。而卫附焉缺其一，则天下无全文矣。辽地为京师左臂，西拱神州，北连胡寇，东临朝鲜，统卫二十有五二州介焉，甲兵之所聚也，夷夏之所交也，实畿辅之要防，山海之雄服也。唐宋以来，为辽金之窟穴，我皇明抚而有之列军卫置防守，屹然为巨镇矣。夫夷虏杂处，则漫漶不可稽矣。军卫分布则涣散不可一矣。非稽之于志则孰征而信之况。夫山川异制，风土异宜，民性不同，政因俗革，天下皆然，莫之概也。故于疆域形胜之分，险要阨塞之处，民情风土之宜，学校人才之辨，政赋物产之差，兵革士马之用，将欲究其始终。察其盛衰，验其淳漓，审其登耗，观其强弱，以知其成败得失之故。孰从而考之又孰，信而传之哉，故非志焉，莫之可稽也。

辽地旧有志，坏而不修者有年矣，巡抚都御史西溪任公谋于巡按御史驼村史君曰：“辽志之不传久矣，以《皇朝一统舆图》之盛，顾使文献不存，典故不彰，而考证无据，得非政之阙者乎？”盖图以志之论，既合以告镇守少监王乐山总兵马恒齐议，亦金同维时东岩徐君，北郭刘君，初亭程君，旅寓于辽，乃礼而请之，得成稿若干卷，属苑、马、冯子、太仆李子、吕子分守参



议，高子分巡金宪，张子参校之逾月而志成。俾都司刘大章、陈善、徐府刻而传之卿，时有朝鲜之役，适观其事，诸君以序，见属予阅之，喟然曰，嗟夫！诸君子之于政，可谓能识其大者矣。予尝过山海阅边城，登医闾至襄平，抵于鸭绿，纵观千山之胜，乃窃叹曰：“美哉！山河之固，襟带险阻，真四塞之区也。非躬历目观之，何以见一统之盛乎？”谓不出户庭而知天下事者，非诚然也。将访其故，实而考之皆曰：鲜有存者。夫以密迩京师之地，而乃使文献不全可乎？今使闾巷都邑之中，聚里师乡校而群之质，以数十里之所，传闻者已不能得其要，况于远者乎？其近者且如此，苟质以数十年之所传闻已，不能得其要，况于久者乎？至求之童孺小民之所流，布学士故老之所，诵说十已，遗其二三，日复一日，人复一人，承谬袭讹转相传播，而欲其不诬乎？古不戾于今，亦已难矣。非志为其何，以托诸久远，以永其传哉？是故，观夫山川，其形胜可知也；观夫备守，其险要可知也；观夫人物，其盛衰可知也；观夫风俗，其淳漓可知也；观夫户口，其登耗可知也；观夫兵甲，其强弱可知也；观夫政迹，其是非成败可知也。其备诸得失，鉴戒之义乎？得失鉴戒之义，固褒贬劝惩之法也。虽谓之史焉可也，诸君当政，平人和之时，而克举斯典其诚，能识其大者矣。是皆可书而可传也，永其传者，其尚有赖于后之人乎？莅兹土者尚鉴兹哉，尚鉴兹哉。

赐进士及第翰林院修撰，校录《累朝御制文集》，诸书同修《会典》、《宋史》，经筵官晋安龚用卿书。

《重刊辽东志》书序（二）

辽在今为东北重镇，凡历代沿革、山川、封守、贡赋、土产、风俗、人物，载于前志者甚详。盖国朝永乐中，遣使搜辑遗稿，前掌都司事左府都督金事汝南王祥继都指挥毕恭未成版刻也。第当时成此非出一手，损益不能无望后人。分守辽阳副总戎、广阳韩公斌久有志未果，会监察御史新河陈公宽奉命出按兹土议，既克协乃命属草于辽，产致政大尹邵君奎，校详于吏属，自在州守陈君培准，今《一统志》凡例，重加彙括编次繁者删之缺者、补之讹者正之，如风俗形势旧合为一。

今析为二，人物流寓不着所自今录加详，以公署冠，分司、监、苑、卫、所，而关梁递驿，在所不遗。比科目节义，于武弁人材以，皆出自军卫外徼，如朝鲜、女真。今虽不内属以，昔多辽地亦仍旧附录以传编，既成适予。以使事道辽二公，请序重刊。所自惟辽地负山枕海，自帝舜以属营州，迄今已三千七百余年。其间或为郡县，或为藩镇，因革不同，大率多归僭据，沦夷狄间能资以控御，而皆不若我朝经制。为详盖其地，虽北邻朔汉，而辽海三万，沈阳铁岭四卫之统于开原者，足遏其冲。南枕沧溟，而金复海盖旅顺，诸军联属，海滨者足严守望。东西倚鸭绿、长城为固，而广宁、辽阳各屯重兵以镇压之。复以锦义、宁远，前屯五卫，西翼广宁，增辽阳东山诸堡，以扼东建虑事无统理，则临以重臣镇，以中贵监，以御史分，以藩臬畜牧，供亿各有司，存

罚当罪，而赏当功。皆前古所未悉者，今烽堠星联首发尾，应使西北诸胡不敢纵牧，东方琛贄联络道涂民得安，稼穡饮食以乐生送死，其大者风俗以教化，移易人材，资学校作成易所，谓设险守国书，所谓有备无患，诗所谓遐不作人，在辽皆有之顾，记载之书，乃因循简略而莫之改作。岂足以昭我国家疆理化成度越千古而传信天下后世哉？宜二公于此，又不能自己也，夫事有实则书史职也，庸序以嘉二公之志有成且用以告来者。

弘治元年戊申冬十月，既望赐进士及第，奉议大夫右春坊右庶子兼翰林院侍讲经筵官同修国史宁都董越序。

○《辽东志》书序

圣朝肇造区宇抚御万方，武以戡祸乱，文以兴太平，车书《一统薄》，海内外罔不臣服，重译来朝者万国粤，自开辟以来，未有盛于今日也。窃尝稽诸方册辽东之地，故汉襄平郡也。当元季时，有元平章刘益高家奴分据是方。洪武初，上遣使谕以天时人事益等，于是奉表来归。上复遣使诏谕，益等授职有差，设卫治于盖州。洪武四年，以都指挥使马云、叶旺率兵渡海，自金州而抵辽阳，设定辽都卫，既而分设定辽左等五卫，并东宁卫。金复盖海四卫于沿边已，而改设都指挥使司，而统属之招降纳附，开拓疆宇。复于辽北分设沈阳、铁岭、三万、辽海四卫于开原等处。西抵山海，分设广宁及左右中卫，义州、宁远、广宁左、右、中、前、后五屯卫于沿边，星分碁（同：棋）布，塞冲据险且守且耕，东逾鸭绿而控朝鲜，西接山海而拱京畿，南跨溟渤而连青冀，北越辽河而亘沙漠。又东北至奴儿干涉海，有吉列迷诸种部落，东邻建州、海西野人、女直并兀良哈三卫。永乐初，相率来归入覲太宗，文皇帝嘉其向化之诚，乃因其地分设卫所若干，以其酋长统率之，听其种牧飞放畋（同：佃）猎

俾各安其生。咸属统内，是辽东乃东北之雄，藩实国家之重镇。爰自永乐中，上遣使谕本，司纂修图志，乃即钦承上命，以国朝削平叛乱之由，创治之制建置沿革分野疆域，城池里至山川形胜，坊郭屯堡烽堠土产，贡赋户口、学校、军卫、廨宇、铺舍、坛场、寺观、桥道、驿程宦迹人物，杂志诗文谨集进呈，惟稿是存，斯集乃国朝之盛典，藩维之伟绩，可秘乎哉？用寿诸梓，以永其传使，凡来者，皆知皇朝普天率土之广大，而因有所采摭云。

正统八年龙集癸亥仲夏五月，既望昭勇将军辽东都指挥佾事东鲁毕恭书。

○《辽东志》目录序

序曰：夫古今沿革，不同疆域，名称或异法，得备书，王公设险，以守其国。故形胜次之，广谷大川异势，人居其中异俗，故山川风俗次之。职方氏辨九州岛之国，使同贯利，故物产次之，废兴之迹，殷鉴或存故，以官室陵墓古迹终焉。

志地理

辨方正位，是乃建置城池，以安之公署，以治之学校，以教之王政，所为次也。监苑列乎其中详军政也，关梁以济坊，以表驿传，以通坛壝祠庙，以祀幽明之义备矣。

志建置

建置式备君子，攸芋于是饬武备，则士马有籍，简练有法，防守有方，于是谨边略其法，峻其情，通杂用经权威，德覃被，于是理财赋，则征敛有艺，出纳有司，于是平徭役，则劳逸有节，贫富有则，安养备矣。

志兵食

兵食，既足教化式崇敬天而重时。隆德而上齿，始于尊君，终于邦。好

生人之教明矣。

志典礼

出政令，树声教，其必由人乎。爵命以馭其贵，使命以馭其专，职官以馭其分。名宦也者，纪德政扬名实也。

志官师

德政行人士淑矣，以儒术显，以将材录，以方译用，至如济美，象贤立功、立言、殉名、殉节，又各以其汇表之旁及，寓贤细及方伎仙释无遗人矣。

志人物

文献不足，夏商无征，故诸睿制，鸿篇各附见，所指其余，有系于，兹土者，别为类，以该之示有征也。

志艺文

夫本志备矣，又为杂志外志何？杂志者，三志之杂述也。辽之先沦，于诸胡据，于草窃攻击，战守或得或失，疆域之限，代有不同，故不能统述之也。杂而述之，其有足征乎？祥异天道，亦以杂言者，随其时代而杂见焉。尔外志者，诸夷之边辽者也。在夷狄而志之何也，安攘之计不可废也。志其古今沿革，知其险夷也；志其卫所居处，知其强弱也；志其驿传，知其向道也；志其贡物，知其咸宾之诚也。王者无外也，辽志终矣。

《辽东志》凡例

今志以旧志为准，惟加增定《一统志》所载者，俱收入尊制书也。

旧志分地各自为类，今志分类各载其地，综合伦比便稽阅也。

旧志属物比类靡有统纪，今提其纲为志九，而以其目系之。

今志纲举目、列、序在其中，详见目录序。

辽阳虽都司会治，而广宁抚镇弭节士马独盛实与辽阳，分东、西河而治，次则开原控扼北虏独当一面，故今志俱表以白书异于诸卫。

地理建置，析而为二者，疆境风物与凡地之所，有为地理其创立规模经画制度则为建置云。

士马赋役事体所系甚大，故标总分析，独加详云。

辽东操法他处，未见如烧荒之类，皆边政之大者，故今志备录。

典礼教化所系，旧阙今增入之其诸未详以，俟考求。

官师志，志其在官者，大者书其名氏爵里，小者不能悉纪，存其官善者，特书别为名宦，亦有不必特书者，附见其名下世近而方仕者，虽善不敢书俟，论定也。

人物志，志其在乡者仕者，以资为次贤者，以行为次及，封荫荣恩宠也，及流寓方伎仙释尽乎人也。

乡贤，以行为次，名宦不分者以其官次之耳。

凡圣制序记杂述各以其所指，附之取其要，切其余泛及地方时事者，别为艺文志。

杂志外志以其关涉辽事故取之

史有与夺抑扬志不纯，用史法故篇中，或为论见之。

引用诸书：

《大明一统志》、《文献通考》、《五经》、《大明会典》、《诸司职掌》、《史记》、《大明律》、《资治通鉴》、《周礼》、《皇明政要》、《氏族大全》、《纲目》、《大明官制》、《列女传》、《汉书》、《史略》、《三国志》、《晋书》、《左传》、《南北史》、《唐书》、《宋书》、《辽史》、《金志》、元志、《图册》、《武经总要》。

修志名氏

正统八年始修

汝南王祥左府都督金事掌都司事。

东鲁毕恭辽东都指挥金事掌司事。

弘治元年修定

新河陈宽巡按御史。

广阳韩斌辽阳副总兵。

嘉靖八年

东岩徐文华四川嘉定州人大理寺少卿。

北郭刘琦陕西洛川人兵科给事中。

初亭程启充四川嘉定州人监察御史。

潘珍直隶婺源人，嘉靖七年巡抚，八年修志，未成以忧去。

嘉靖十六年重修

西溪任洛河南钧州人，左金都御史。

萃轩薛廷宠福建福清人，工科左给事中。

驼村史褒善直隶开州人，巡按御史。


形山冯时雍直隶交河人，苑马寺卿。

南原李翔直隶华亭人，行太仆寺少卿。

如齐高登直隶内黄人，分守参议。

石林张九叙山西石州人，分巡佥事。

湛溪吕朋直隶武进人，太仆寺寺丞。



辽东河西地方总图